



Broj: 06-11-8246/24-7
Ilidža, 27.11.2024. godine

Na osnovu člana 70. Zakona o javnim nabavkama („Službeni glasnik BiH“, broj 39/14, 59/22 i 50/24) i preporuke Komisije za javne nabavke iz Zapisnika o pregledu i ocjeni ponuda br: 06-11-8246/24-6 K od 26.11.2024. godine, Općinski načelnik donosi:

O D L U K U
O IZBORU NAJPOVOLJNIJEG PONUĐAČA ZA JAVNU NABAVKU BROJ 115/24

I

Prihvata se preporuka Komisije za javne nabavke za **JN 115/24 „Projektantski nadzor nad izvođenjem radova na izgradnji Osnovne škole na Stupu“** kojom se ponuda ponuđača **Centar za uređenje i projektovanje d.o.o., ul Srpskih ratnika 1, Pale** u iznosu od **37.605,00 KM bez PDV-a** proglašava najpovoljnijom.

II

Ponuđač Centar za uređenje i projektovanje d.o.o., ul Srpskih ratnika 1, Pale obavezan je u roku od 7 dana od dana prijema ove odluke Ugovornom organu dostaviti uvjerenja iz člana 45. stav (2) tačka a), b) c), i d) Zakona o javnim nabavkama.

III

Ponuđač Centar za uređenje i projektovanje d.o.o., ul Srpskih ratnika 1, Pale obavezan je u skladu sa tačkom 4.4 Tenderske dokumentacije u roku od 7 dana od dana prijema ove odluke Ugovornom organu dostaviti saglasnost glavnog projektanta da može vršiti korekcije glavnog i izvedbenog projekta prilikom obavljanja projektantskog nadzora nad izvođenjem radova na izgradnji Osnovne škole na Stupu. Saglasnost se dostavlja u originalu ili ovjerenoj kopiji.

III

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u Tenderskoj dokumentaciji.

IV

Istovremeno sa dostavljanjem ove Odluke ponuđačima ista će se objaviti na web stranici Ugovornog organa.

O b r a z l o ž e n j e

Postupak javne nabavke broj **115/24 „Projektantski nadzor nad izvođenjem radova na izgradnji Osnovne škole na Stupu“** putem otvorenog postupka, pokrenut je Odlukom o pokretanju postupka nabavke broj: 06-11-8246/24-1 od 31.10.2024. godine. Javna nabavka objavljena je na portalu javnih nabavki broj obavještenja 888-1-2-262-3-267/24 od 01.11.2024. godine.

U Zapisniku o zaprimljenim ponudama, Zapisniku sa otvaranja ponuda i Zapisniku o pregledu i ocjeni ponuda Komisija za javne nabavke je konstatovala da su ponudu blagovremeno dostavili

ponuđači Centar za uređenje i projektovanje d.o.o., ul. Srpskih ratnika 1, Pale, FM Inženjering d.o.o., ul. Latička 14A/2, Ilidža, TRACEST d.o.o., ul. Bugojanska 12, Sarajevo, IPSA INSTITUT d.o.o., ul. Put života bb, Sarajevo, Institut za građevinarstvo "IG" d.o.o., ul. Kralja Petra I Karađorđevića 92-98, Banja Luka i RADIS d.o.o., ul. Jovana Dučića 16, Istočno Sarajevo.

Analizom ponuda Komisija za javne nabavke je utvrdila sljedeće:

Ponuda ponuđača FM Inženjering d.o.o., ul. Latička 14A/2, Ilidža je ocijenjena kao neprihvatljiva jer imenovani ponuđač nije ispunio traženi uslov u pogledu tehničke i profesionalne sposobnosti. Naime, ponuđač je u svojoj ponudi kao dokaz dostavio potvrde o uspješno realizaciji ugovora koji se odnose na stručni nadzor nad izvođenjem radova.

Ugovorni organ je u tenderskoj dokumentaciji u tački 2.4.1 a) propisao uslov:

- a) *Uspješno iskustvo u realizaciji jednog ili više ugovora čiji su karakter i kompleksnost isti ili slični onima koji se odnose na predmet nabavke u prethodne tri godine ili od datuma registracije, odnosno početka poslovanja, ako je ponuđač registriran, odnosno počeo sa radom prije manje od tri godine u iznosu od minimalno 50.000,00 KM bez PDV-a; (Uspješno iskustvo u realizaciji jednog ugovora vrijednosti minimalno 50.000,00 KM bez PDV-a, ili uspješno iskustvo u realizaciji više ugovora zbirne vrijednosti minimalno 50.000,00 KM bez PDV-a.)*

U vezi propisanog uslova, na postavljeno pitanje ponuđača na Portalu javnih nabavke BiH ugovorni organ je precizirao da se termin slični poslovi odnose na usluge izrade projektne dokumentacije.

Iz navedenog vidljivo je da su ponuđači kao dokaz o ispunjavanju uslova iz tačke 2.4.1.a) tenderske dokumentacije bili obavezni dostaviti potvrde o uspješno realizovanim ugovorima projektantskog nadzora ili potvrde o uspješno realizovanim ugovorima izrade projektne dokumentacije.

Iz dostavljenih potvrda imenovanog ponuđača vidljivo je da se radi o potvrdama o uspješno realizovanim ugovorima čiji karakter i kompleksnost nisu isti (projektantski nadzor) ili slični (izrada projektne dokumentacije) onima koji se odnose na predmet nabavke, te se ponuda ponuđača odbacuje kao neprihvatljiva.

Ponuda ponuđača RADIS d.o.o., ul. Jovana Dučića 16, Istočno Sarajevo je ocijenjena kao neprihvatljiva jer imenovani ponuđač nije ispunio traženi uslov u pogledu tehničke i profesionalne sposobnosti. Naime, ponuđač je u svojoj ponudi kao dokaz dostavio potvrde o uspješno realizaciji ugovora koji se odnose na stručni nadzor nad izvođenjem radova.

Ugovorni organ je u tenderskoj dokumentaciji u tački 2.4.1 a) propisao uslov:

- b) *Uspješno iskustvo u realizaciji jednog ili više ugovora čiji su karakter i kompleksnost isti ili slični onima koji se odnose na predmet nabavke u prethodne tri godine ili od datuma registracije, odnosno početka poslovanja, ako je ponuđač registriran, odnosno počeo sa radom prije manje od tri godine u iznosu od minimalno 50.000,00 KM bez PDV-a; (Uspješno iskustvo u realizaciji jednog ugovora vrijednosti minimalno 50.000,00 KM bez PDV-a, ili uspješno iskustvo u realizaciji više ugovora zbirne vrijednosti minimalno 50.000,00 KM bez PDV-a.)*

S tim u vezi, ugovorni organ je na postavljeno pitanje ponuđača na Portalu javnih nabavke BiH precizirao da se termin slični poslovi odnose na usluge izrade projektne dokumentacije.

Iz navedenog vidljivo je da su ponuđači kao dokaz o ispunjavanju uslova iz tačke 2.4.1.a) tenderske dokumentacije bili obavezni dostaviti potvrde o uspješno realizovanim ugovorima projektantskog nadzora ili potvrde o uspješno realizovanim ugovorima izrade projektne dokumentacije.

Iz dostavljenih potvrda imenovanog ponuđača vidljivo je da se radi o potvrdama o uspješno realizovanim ugovorima čiji karakter i kompleksnost nisu isti (projektantski nadzor) ili slični (izrada projektne dokumentacije) onima koji se odnose na predmet nabavke, te se ponuda ponuđača odbacuje kao neprihvatljiva.

Ponuda ponuđača TRACEST d.o.o., ul. Bugojanska 12, Sarajevo se odbacuje iz razloga što ista nije u skladu sa tenderskom dokumentacijom, odnosno iz razloga što imenovani ponuđač nije dostavio izjavu da će ukoliko bude izabran kao najpovoljniji ponuđač prije potpisivanja ugovora, u roku 7 (sedam) dana od dana kada to od njega zatraži ugovorni organ, dostaviti ugovornom organu saglasnost glavnog projektanta da može vršiti korekcije glavnog i izvedbenog projekta prilikom obavljanja projektantskog nadzora nad izvođenjem radova na izgradnji Osnovne škole na Stupu.

Naime, ugovorni organ je u tački 4.4. tenderske dokumentacije propisao da su ponuđači dužni u svojoj ponudi dostaviti Izjavu da će ukoliko bude izabran kao najpovoljniji ponuđač prije potpisivanja ugovora, u roku 7 (sedam) dana od dana kada to od njega zatraži ugovorni organ, dostaviti ugovornom organu saglasnost glavnog projektanta da može vršiti korekcije glavnog i izvedbenog projekta prilikom obavljanja projektantskog nadzora nad izvođenjem radova na izgradnji Osnovne škole na Stupu. Tačkom 3. tenderske dokumentacije u dijelu Ponuda mora sadržavati najmanje ugovorni organ je između ostalog, pod stavkom h) propisao da ponuda mora sadržavati izjavu iz tačke 4.4. tenderske dokumentacije.

Iz navedenog je vidljivo da ponuđač nije ispunio navedeni zahtjev iz tenderske dokumentacije.

Obzirom da je ponuda ponuđača Centar za uređenje i projektovanje d.o.o., ul. Srpskih ratnika 1, Pale za više od 20% niža od cijene drugorangirane prihvatljive ponude, u skladu sa članom 66. Zakona o javnim nabavkama („Službeni glasnik BiH“, broj: 39/14, 59/22 i 50/24) i Uputstvom za pripremu modela tenderske dokumentacije i ponuda („Službeni glasnik BiH“, broj 39/14, 20/15) dana 21.11.2024. godine od ponuđača je zatraženo pojašnjenje ponuđene cijene. Imenovani ponuđač je dana 22.11.2024. godine dostavio pojašnjenje ponuđene cijene. Komisija za javne nabavke je dana 26.11.2024. godine u 09,00 h održala sastanak na kojem je prihvatila dostavljeno pojašnjenje.

Komisija za javne nabavke je utvrdila da ponude ponuđača Centar za uređenje i projektovanje d.o.o., IPSA INSTITUT d.o.o., ul. Put života bb, Sarajevo i Institut za građevinarstvo "IG" d.o.o. ispunjavaju sve uslove iz tenderske dokumentacije, te su iste ocjenjene kao prihvatljive ponude.

Obzirom da je predmet javne nabavke intelektualni rad nije bilo predviđeno provođenje e-aukcije u skladu sa članom 4. stav (3) Pravilnika o uslovima i načinu korištenja e-aukcije („Službeni glasnik BiH“, br. 80/23).

Na osnovu kriterija "najniža cijena" Komisija za javne nabavke utvrdila je konačnu rang listu ponuđača:

1. Centar za uređenje i projektovanje d.o.o., čija cijena ponude bez PDV-a iznosi 37.605,00 KM
2. Institut za građevinarstvo "IG" d.o.o., čija cijena ponude bez PDV-a iznosi 62.048,52 KM
3. IPSA INSTITUT d.o.o., čija cijena ponude bez PDV-a iznosi 65.809,04 KM

Imajući u vidu navedeno Komisija za javne nabavke predložila je općinskom načelniku donošenje odluke o izboru ponude Centar za uređenje i projektovanje d.o.o., ul Srpskih ratnika 1, Pale kao najpovoljnije, čija cijena ponude bez PDV-a iznosi 37.605,00 KM.

Na osnovu navedenog odlučeno je kao u dispozitivu.

POUKA O PRAVNOM LIJEKU:

Protiv ove Odluke ponuđači imaju pravo da izjave žalbu u roku od deset dana od dana prijema odluke. Žalba se ulaže URŽ-u putem ugovornog organa u pisanoj formi direktno ili preporučenom poštanskom pošiljkom. Žalba se podnosi u tri primjeraka.

OPĆINSKI NAČELNIK
Nermir Muzur, magistar uprave

DOSTAVLJENO:

1. Ponuđači 6x
2. Služba za finansije
3. Kabinet općinskog načelnika (za objavu na web)
4. Služba za komunalne poslove i infrastrukturu
5. a/a

Izradila: Arnela Merdžanić, BA. prava

Kontrolisao: Benjamin Mešak, dipl. ecc